

集唐字老子  
道德經注

古逸叢書之六

集唐字老子

道德經注

道藏集

道義初余  
氏校刊

王弼老子道德經二卷真得老子之學  
歟蓋嚴君平指歸之流也其言仁義與  
禮不能自用必待道以用之天地萬物各  
得於一豈特有功於老子哉凡百學者  
蓋不可不知乎此也予於是知弼本深於  
老子而易則末矣其於易多假諸老子  
之言而老子無資於易者其有餘不足  
之迹斷可見也嗚呼學其難哉弼知佳  
兵者不祥之器至於戰勝以喪禮處之  
非老子之言乃不知常善救人故無棄棄

老子注  
一  
人常善救物故無棄物獨得諸河上公  
而古本無有也賴傳奕能辯之爾然弼  
題是書曰道德經不析乎道德而上下  
之猶近於古歟其文字則多謬誤殆有  
不可讀者令人惜之嘗謂弼之於老子張  
湛之於列子郭象之於莊子杜預之於左  
氏范甯之於穀梁毛萇之於詩郭璞之  
於爾雅完然成一家之學後世雖有作  
者未易加也予既繕寫弼書并以記之政  
和乙未十月丁丑嵩山曰兆說之齋時記

克伏誦咸平聖語有曰老子道德經治  
世之要明皇解雖燦然可觀王弼所注言  
簡意深真得老氏清淨之旨克自此求  
弼所注甚力而近世希有蓋久而後得之  
往歲攝建寧學官嘗以刊行既又得  
曰兆以道先生所題本不分道德而上下  
之亦無篇目喜其近古繕寫藏之乾道庚  
寅分教京口復鏤板以傳若其字之謬  
訛前人已不能證克焉敢輒易姑俟夫知  
者三月二十四日左從事郎充鎮江府府學

教授熊克謹記

此散人曰不取諸古以成其德也故其夫味  
 實不殊言曰斯類林以制其字之類  
 之亦無高日其古制其字之類  
 曰非以盡其全而取之亦不為其與  
 林為辭其宜與字皆曰以所為也  
 識其到其也而世世亦其也人無其  
 辭其也其也其也其也其也其也  
 世也其也其也其也其也其也其也  
 其也其也其也其也其也其也其也

老子道德經上篇

晉王弼注

一章

道可道非常道名可名非常名  
可道之道可名之名指事造形非其常也故  
不可道不可名也

無名天地之始有名萬物之母  
凡有皆始於無故未形無名之時則為萬物  
之始及其有形有名之時則長之育之亭之  
毒之為其母也言道以無形無名始成萬物以



始以成而不知其所以玄之又玄也

故常無欲以觀其妙

妙者微之極也萬物始於微而後成始於無而後生故常無欲空虛可以觀其始物之妙常有欲以觀其徼

徼歸終也凡有之爲利必以無爲用欲之所本適道而後濟故常有欲可以觀其終物之徼也

此兩者同出而異名同謂之玄玄之又玄衆妙之

門

兩者始與母也同出者同出於玄也異名所施  
不可同也在首則謂之始在終則謂之母玄者  
冥也默然無有也始母之所出也不可得而名故  
不可言同名曰玄而言謂之玄者取於不可得  
而謂之然也謂之然則不可以定乎一玄而已  
則是名則失之遠矣故曰玄之又玄也衆妙皆  
從同而出故曰衆妙之門也

## 二章

天下皆知美之爲美斯惡已皆知善之爲善斯  
不善已故有無相生難易相成長短相較高下相

傾音聲相和前後相隨

美者人心之所樂進也惡者人心之所惡疾也  
美惡猶喜怒也善不善猶是非也喜怒同根  
是非同門故不可得偏舉也此六者皆陳自然  
不可偏舉之明數也

是以聖人處無爲之事

自然已足爲則敗也

行不言之教萬物作焉而不辭生而不有爲而  
不恃

智慧自備爲則僞也

功成而弗居

因物而用功自彼成故不居也

夫唯弗居是以不去

使功在己則功不可久也

三章

不尚賢使己不爭不貴難得之化使己不為盜  
不見可欲使己心不亂

賢猶能也尚者嘉之名也貴者隆之稱也唯  
能是任尚也曷為唯用是施貴之何為尚賢  
顯名榮過其任為而常校能相射貴化貝過

用貪者競趣穿窬探篋沒命而盜故可欲  
不見則心無所亂也

是以聖人之治虛其心實其腹

心懷智而腹懷食虛有智而實無知也

弱其志強其骨

骨無知以幹志生事以亂心虛則志弱也

常使民無知無欲

守其真也

使夫知者不敢爲也

知者謂知爲也

爲無爲則無不治

四章

道沖而用之或不盈淵兮似萬物之宗挫其銳解  
其紛和其光同其塵湛兮似或存吾不知誰之  
子象帝之先

夫執一家之量者不能全家執一國之量者不  
能成國公躬力舉重不能爲用故人雖知萬物  
治也治而不以二儀之道則不能瞻也地雖形  
魄不法於天則不能全其靈天雖精象不法  
於道則不能保其精沖而用之用乃不能窮

老子注  
四  
滿以造實實來則溢故沖而用之又復不盈  
其爲無窮亦已極矣形雖大不能累其體事  
雖殷不能充其量萬物舍此而求主主其安  
在乎不亦淵兮似萬物之宗乎銳挫而無損紛  
解而不勞和光而不汙其體同塵而不渝其  
貞不亦湛兮似或存乎地守其形德不能過其  
載卑天慊其象德不能過其覆天地莫能及  
之不亦似帝之先乎帝天帝也

五章

天地不仁以萬物爲芻狗

天地任自然無爲無造萬物自相治理故不仁也仁者必造立施化有恩有爲造立施化則物失其具有恩有爲列物不具存物不具存則不足以備載矣地不爲獸生芻而獸食芻不爲人生狗而人食狗無爲於萬物而萬物各適其所用則莫不贍矣若慧由己樹未足任也

聖人不仁以百姓爲芻狗

聖人與天地合其德以百姓比芻狗也

天地之間其猶橐籥乎虛而不屈動而愈出



橐排橐也箝樂箝也橐箝之中空洞無情  
無爲故虛而不得窮屈動而不可竭盡也天地  
之中蕩然任自然故不可得而窮猶若橐箝  
也

多言數窮不如守中

愈爲之則愈失之矣物樹其惡事錯其言不  
濟不言不理必窮之數也橐箝而守數中則  
無窮盡云某已任物則莫不理若橐箝有意  
於爲聲也則不足以共吹者之求也

### 六章